

# Uroḱ Echi

---

## Okaañ-ene Jiṣoṣ otobe




***SGM International***

*3 Eccleston Street London SW1W 9LZ*

Egòn me Gèret Bìritèn


# Uroko Echi Oko



Îre usini me lek otutuuk inu egebe me emen Ikpa Mbuban, òrere lko Awaji, ke etiteñe, mè isa inige me emen gwuñ ikpa keyi. Eya oṛo, ekiteme owu ibe owu òsa mè òkaañ otuuk Ikpa Mbuban ya, mè òkòfuk me lek kwuñ gaalek; mije îre omọ okikpọk mbum ogwu Awaji orebe ijeen ebilene.

# aañ-ene Jisos otobe

---



## Ogwu òwop uko

*Ina me lek ña, mè inigbañ; inọ ikọ ña inyi ibot ejit kinyi ikup me ugwem.*

Ajaya 55:3

Okaañ-ene Jisọs onenito urọk inyi ema ibe, “Ene ge oninaña isi iwop mfut me uko kañ. Mgbọ ìkigwọ mfut cha ifiaak, usini orọrọñ me edeñ oniiñ. Ebi ene ejajak me ukot iraka, ebi kè ofut enenitọk otutuuk imeeñ isaña. Usini mfut cha orọrọñ me ijọñ ewuuk. Mgbọ ìtibibe isibi, ikwakwaañ isaña mije kpunu muñ me irak ijọñ ya. Usini mfut orọrọñ me ijọñ ere ukpak okupbe. Ukpak melek mfut cha egbagbaañ itibi isibi. Ukpak cha otitibi ikana ichit nsek otu mfut cha. Ìkachieek ibe itibi ijaañ, mè ito ata mfut. Ire, usini mfut cha orọrọñ me ata ijọñ, mè itibi isibi, mè ito ogbogbo mfut òwawa, efit mgbọ, igak echi esabe iwop.”

Itutumu ikeyi isaña, inenibe ema, “Ibot urọk ya ìre ikeyi: Mfut ya ìre ikọ Awaji. Echi òrọrọñ me edeñ oniiñ ìre ebi ìnọnọ ikọ ya, ire, Yọk onunu initeeñ ikọ ya isaña me ejit kibañ, inyi ema ekakọt ìchieek, mè ìbọkọ unyaña. Mfut echi òrọrọñ me ijọñ ewuuk ìre ebi ìbọbọkọ ikọ ya itap me unwọọñ mgbọ ema enọbe. Ire, ikọ ya ìkatibi ugwuñ-ijọñ me emen kibañ. Ema echieek me lek ikọ ya sọntiik mgbọ. Ire, mgbọ ntọmkpọ onube, ema ewawaka irọñ. Mfut echi òrọrọñ me ijọñ ukpak ìkeke inyi ebi ìnọnọ ikọ ya, mè ìbọkọ itap. Ire, ike mgbọ okije, uyọrọlek linyọñ, mè ulọk inu ubọọñ, mè ubelejiti eyi linyọñ onenikana ichit

ikọ ya, m̀e irọ inyi mfut kañ ikakikup ìkan, m̀e ìreñe kubọk ge. Ire, mfut echi òrọrọñ me ata ijọñ ìkeke inyi ebi ìnọnọ ikọ ya, m̀e ibọkọ itap me ata ejit, m̀e itet ikaañ, m̀e igbañ utọñ me lek, m̀e ikat ejit ikeke inye mege ire mgbọ ìtobe mfut.”

Luk 8:5–8, 11–15

Okaañ-ene Jisọs onenitumu inyi ema ibe, “Me atikọ, ñkitumu inyi enyi ibe, ene geelek ònọnọ ikọ ña, m̀e ichieek me lek ogwu òraria emi inu, ene ya ìkaañ ugwem ikakaañge itata. Kpebetip si ọmọ oyerebet geege. Ire, ọmọ ìsaba inañ me mkpa iniñ me ugwem.”

Jon 5:24

## Ene iba ebi inama uwu

*Isiki lek kinyi me isi Awaji, m̀e ìbọkọ ikọ kañ eyi ìtapbe enyi me emen ejit. Mije, ikọ ya obokọt inyaña enyi isibi.*

Jemis 1:21

Okaañ-ene Jisọs onenitumu inyi ema ibe, “Mâjeeñ enyi inu ge nu. Ene geleek ònunu me lek ña, m̀e inọ ikọ ña, m̀e irọ inu nkitumu, ene ya ìkup kubọk ogwu òbonama uwu, m̀e irọkọ ijọñ idọk, m̀e igwook ewuuk irak ijọñ uwu ya itooñ me inyọñ ewuuk me emen ijọñ. Mgbọ muñ ile obaakbe inu, m̀e isa unye agbugbuk inibieeñ uwu ya, uwu ya ìkasisik, mije, mînama inye.

“Ire, ene geelek ònọnọ ikọ ña, m̀e ijit irọrọ inu nkitumu, ene ya ìkup kubọk ogwu ònanama uwu kañ me inyọñ achiaañ, ìkatap ewuuk irak ijọñ. Mgbọ yaage muñ ile obaakbe inu, m̀e isa unye agbugbuk

inibieeñ uwu ya, uwu ya ogbugbugbo igwook, m̀e igwak isaña kpai.” Luk 6:47–49

Eya ọrọ, enyi ìriọọñ ubọk ìgbañ utọñ me lek ikọ ña. . . Ugbana òmimin igak eya m̀okup inyi ebi geelek ìnọno ikọ Awaji, m̀e ikirọ. Luk 8:18; Luk 11:28

## Atata ogwu melek

Usen ge, ogwu enerieeñ ge òkijeeñ Ikan oneniweek itọto Jisọs ikpọ, m̀e inido ọmọ ibe, “Ogwu Ijejeeñ, ìre keke ke mbarọ m̀e ikaañ ugwem ikakaañge itata?” Jisọs ododo ọmọ ibe, “Ìre keke ke ege me Ikpa Mbuban? Ìre inu egebe me ere ya ìsibi keke?” Ogwu enerieeñ ya ofọfọk ibe ke ege me Ikpa Mbuban ibe, “Ma Ogwukaañ-ene Awaji kwuñ me otutuuk ejit kwuñ, m̀e otutuuk ibot ejit kwuñ, m̀e otutuuk unye kwuñ, m̀e otutuuk ekiket kwuñ, m̀e ma ogwu melek kwuñ kubọk omabe akpalek kwuñ.” Jisọs onenitumu inyi ọmọ ibe, “Owu ofọk itat. Rọ si ikeya, ke owu m̀okaañ ugwem ikakaañge itata.” Mije ogwu enerieeñ ya oweekbe ijejeeñ ebi ene ibe ke inu ọmọ okirọ ìtat, inenido Jisọs ibe, “Ìre ekene ore ogwu melek ña?”

Jisọs onenito urọk ge ibe, “Ogwu enerieeñ ge oninaña me Jeruselem ikije isi Jeriko, m̀e inije iniñ emen ubọk ebi inọ afa. Ebi inọ cha etetet ene ya, m̀e isut ọmọ igbet mkpa, m̀e ibọkọ otutuuk inu ìkaañbe, m̀e ijuuk ọmọ itele ikeya me ijọñ, m̀e ilibi inaña.

“Ogwu ngwugwa ge onenikije me oniiñ yaage iboniraka. Mgbọ ìmuñbe ogwu enerieeñ ya olaakbe me agba oniiñ ya, isasaba ifo agba oniiñ agañ keyilọ isi ije iraka isi uyọrọlek kañ. Ikeya si, ogwu otoko kè Libai ge, òkigoọk itap ubọk isi ikwaañ me Uwu Mbuban, onunu ibonije iraka. Mgbọ ìbenebe chieeñ imuñ ene ya olaakbe me agba oniiñ, isasaba si ifo agba oniiñ agañ keyilọ isi ije iraka isi uyọrọlek kañ.

“Ire, ogwu Sameria ge onenije si iboniraka me oniiñ ya, mè inire ere inu ya orọbe. Mgbọ ìmuñbe ene ya olaakbe me agba oniiñ, ikakaañ ejit njijin me lek ene ya, mè ije iniñ lek, mè isa arañ mè miiñ itooñ me chieeñ unan cha, mè isa ekwut ibọp ichit chieeñ unan cha, mè ibene ene ya itooñ me inyọñ inyinya akpan kañ, mè isa ije isi uwu isiki-efuuk ge me oniiñ ya, mè ikpọ chieeñ me lek iwele egwe. Mgbọ egwe owelebe, inenikana ene ya itap me ubọk ogwu ibot uwu isiki-efuuk ya, mè itap ubọk me akpa imọnọ dinari iba inyi,



mè ibe ikpọ chieeñ me lek ogwu enerieeñ ya inyi ọmọ. Ire ikaañ ofifi ikpoko geelek îfiatbe me lek ogwu enerieeñ ya, ọmọ isiboraka ika, ke ọmọ môyaka ikpe ogwugwu.”

Mgbọ Jisọs otobe urọk ya isaña, inenido ogwu òjeeñ Ikan ya ibe, “Me nkeek kwuñ, ìre ekene me etete ene ita cha, ore ogwu melek ogwu enerieeñ ya ogwu ebi inọ afa cha esulube?” Ogwu òjeeñ Ikan ya ofọfọk ibe ke ìre ogwu òkakaañ ejit njijin me lek ene ya. Jisọs obebe ọmọ, “Fo, mè si rọ si ikeya.” Luk 10:25–37

Ìrè keke ke Ogwukaañ-ene Awaji kinyi okiweek me ubọk kinyi? Ogwukaañ-ene Awaji kinyi ikiweek ibe enyi eketet ukpook kañ, mè ekeje me òtutuuk òniin kañ, mè isa otutuuk ejit kinyi ima ọmọ, mè ikisi ikwaañ inyi ọmọ, mè ikisuñ otutuuk ikan kañ.

Mije, Ogwukaañ-ene Awaji kinyi ire Awaji ògak awaji geelek mè ire si ogwu okakaañ ebi èkaañ otutuuk ebilene. Ọmọ ire Awaji ilile ogwu okaañ unye mè ikaañ ukpook. . . . Ọmọ ire Awaji òkima ogwu ichen, mè ikinyi ọmọ inorie ijot owot, mè ikinyi ọmọ ekwut inyi isa ikichit ñjak. Eya ọrọ, enyi si ikima ogwu ichen geelek. Detoronomi 10:12–13, 17–19

Enyi isirọ inu geelek ebe enyi erọ isaña, ikakiweek itọñ. Kpañasi ikeya, ìkitumu ibe, ‘Eji ìre ebi ikwaañ, eji kpegbe ebi ebetọtọñ, mije, ìre ikwaañ òkukup inyi eji ke eji erọ.’ Luk 17:10



# Ogwu òbọbọn welewele

Ene ge me etete ogbogbo ife cha obebe Jisọs, “Ogwu ljejeen, tumu nyi ngwan ña ibe iche uche inu nte kiji okwube itele, eyi òrere emi lek, inyi emi ma.” Jisọs ofọfọk ene ya ibe, “Gwuñ enerieen, ìre ekene osa emi irọ ogwu ibot oyerebet me etete kwuñ melek ngwan kwuñ?”

Idodo ene ya ikeya isaña, inenitumu inyi otutuuk ebi ife cha ibe, “Ìgwuñ chieen! Ikakaan chieen ile me lek inu geege. Mije, ìkare ene ikakaan ogbogbo inu ire ene iluluk ugwem.”

Jisọs onenito urọk ge inyi ema ibe, “Enerieen ge oniwop mfut me ijọn kañ, ijọn ya onenitibi inu ijaan enenen. Ogwu enerieen ya onenibene ikikeek ekiket ibe mèn ìre ọmọ ìborọrọ mfut kañ cha mọnọ, ìkare ata ere isuñ mfut uko ke ọmọ ikaan. Inenitumu ifieek me lek kañ ibe ke ọmọ mōgbugbo oka ere ọmọ okisuñ mfut uko kañ igwook, mèn ikpọk inama echi òmimiiñ igak echa, mèn ikpulu otutuuk mfut ònaña me uko kañ, mèn otutuuk inu ọmọ okaañbe isi isuñ me ere ya, inyi ikajijaka. Ọmọ isirọ ikeya isaña, ọmọ mōnitumu inyi lek kañ, ibe, ‘Kayaka ìsisaak lek kwuñ! Siki kweek rie, mèn nwo, mèn kinwoon unwoon, ke inorie òwa ogbogbo etitiñbe isuñ, eyi mōbenbe owu owuwa acha.’

“Ìre, Awaji onenigwen ogwu enerieen yi, mèn itumu inyi ọmọ ibe, ‘Owu ogwu burubut keyi! Eririeen chereyi, ugwem kwuñ mōraka! Osikwu, ìre ekene obonikaan otutuuk inu cha otitiñbe isuñ inyi lek kwuñ?’



“Ìkeyi ke ìbokup inyi ene geelek òkigbala inu isuñ inyi lek kañ isa iboon uboon me akpalek, ire, me lek inu eyi Awaji, ìkakaan inu geege.”

Luk 12:13–21

Ikatitiin inu uboqon kinyi isun me linyon keyi ere nkarankat me achiaan motakabe isana, melek ere ebi ino mekotbe ibum iniin uwu inichiiin. Ire, ititiin inu uboqon kinyi isun me emen inyon, ere nkarankat me achiaan kpokotbe isi ifiat, melek ere ebi ino kpekotbe ibum iniin isi ichiiin. Mije, ere geelek inu uboqon kwun okupbe, ere ya si ke ejit kwun okup. Matiyu 6:19-21

Nkitumu inyi enyi ibe, ikakisisaak lek mije inu enyi ebekirie, melek inu enyi ebekinwo, me ire ekwut me ofonti enyi ebekisa ikwek lek. Ndo enyi nu, ire ugwem ikafat ikup me uyot igak inorie? Sa ire akpalek ikafat ikup me uyot igak ekwut me ofonti? Mije, ire inu chi ke ebi ekarioonge Awaji ekinwe chieen ilibi igook. Ire, eyi kinyi, Nte kinyi ogwu okup me emen inyon iriion ibe ke inu chi geelek ikup enyi me uyot. Eya oro, idasi iweek mkpulu eyi Awaji, me iroro inu Awaji okiweek, ke Awaji monyi enyi otutuuk inu chi geelek si igbaalek.


Matiyu 6:25, 32-33



## Arọ̀n òchechep

Usen ge, owuwa ebi ìkibọ̀kọ otitip ido mè owuwa ebi kpekisun̄ Ikan ebi Ju enunu inigọ̀k igbañ ijejeen̄ kè Jisọs. Ire, ebi Farisi mè ebi ijeen̄ Ikan ìkup me ere ya ebebene ikinunuuñ me etete kibañ ibe ke Jisọs ìkibọ̀kọ ebi ijo itap, mè ikigọ̀k ema igbañ irie inorie.

Jisọs onọ̀nọ̀ ikọ ya ema ekinunuuñ, mè inito urọk ge inyi ema ibe, “Ire ene ge me etete kinyi ikaañ efit arọ̀n, mè ikpulu ema isa isibi isi mè esi etaka mbubet, arọ̀n ge oneninaña me lek ichep, ene ya môtele akọp arọ̀n onaañge mè onaañge kechilo, mè ikijijeñe ikana isi iweek arọ̀n ge ya òchechep mege ire mgbọ môweekbe imuñ. Ene ya isiweek arọ̀n ya imuñ, môsa me ubelejit iben arọ̀n ya itoon̄ me oguga, mè isa ije ifo. Isika inire uwu, mônigwen ebi unene kañ, mè ebi melek kañ elukbe me ere ge ibe enegọ̀k ọmọ enwọ̀n unwọ̀n, mije ke ọmọ îweek



arọọñ kañ òchechep imuñ. Me atikọ, ñkitumu inyi enyi ibe, ubọk yaage si, unwoọñ òmimin igak eya mōkup me emen inyọñ me ibot ogwu ijo ge gaalek ògwugwu ikom isibi me ijo irọrọ, igak me ibot akọp ene onaañge mè onaañge ebi ìkigwen lek kibañ ebi ata irọrọ, ebi igwugwu ikom ikakupge me uyọt.”

Luk 15:1–7

“Emi nre ata ogwu òkpukpo arọọñ. Ata ogwu òkpukpo aroọñ ìbem lek ikwukwu mije arọọñ kañ.”

Jon 10:11

## Ìkpoko òchechep

“Ire enenwaañ ge ikaañ akọp darakima, ge oneninaña me lek ichep, ogwu enenwaañ ya ìbomimin ukañ isa imọọñ inu ibene irak inu geelek me uwu kañ ichan, mè igwuun chieen iweek ikpoko ya mege ire mgbo mōweekbe imuñ. Isiniweek ikpoko ya imuñ, mōgwen ebi unene kañ mè ebi melek kañ elukbe me ere ge ibe enegọk ọmọ enwoọñ unwoọñ, mije, ke ọmọ îweek ikpoko kañ òchechep imuñ. Ikeya si, ñkitumu atikọ inyi enyi ibe ke ikpele unwoọñ ọmọ òwa me etete ebi osat Awaji me ibot ogwu ijo ge gaalek ògwugwu ikom isibi me emen ijo kañ.”

Luk 15:8–10

Emi Gwuñ Ebilene ñnu ineniweek, mè inyaña ebi ìchechep.

Luk 19:10

# Gwuñ enerieeñ òchechep

Ogwukaañ-ene, ogwu òkaañ Unye geelek itumu ibe:  
“Emi mabọkọ enyi itap. Mare Ute inyi enyi, enyi mēre  
si bọn ña ebirieeñ mē bọn ña ebibaañ.”

2 Ebi Korint 6:17, 18

Okaañ-ene Jisọs onenito urọk inyi ema ibe, “Îkaañ  
ogwu enerieeñ ge òkakaañ ibot bọn ebirieeñ iba.  
Ogwu ijija me lek kibañ onenigwen ogwu ute, mē  
itumu inyi ibe, ‘Nte ña, che otutuuk inu okaañbe nyi eji  
ngwañ iba, mē nyi emi uche eyi òrere emi lek mgbọ  
keyi.’ Ogwu ute okpukpulu otutuuk inu îkaañbe iche  
irek iba inyi bọn kañ iba cha, mē isa uche eyi ogwu ijija  
ya inyi ogwukaañ. Ibọbọkọ. Sọntiik mgbọ iraraka,  
gwuñ enerieeñ ogwu ijija ya okpukpulu otutuuk inu  
kañ cha inyam, mē ibọkọ ikpoko itap me akpa, mē  
ibene ije ije inaña me uwu ifo atalek ujoñọ ere isi iluk,  
mē ifiat ikpoko cha otutuuk isaña isa iluk ubene  
ugwem melek ebi òje oyet.

“Mgbọ ifiatbe otutuuk ikpoko cha isaña kpai, uga akañ  
oneniniñ ikana otutuuk ido ere îlukbe ya. Uraafioñ  
otetet ọmọ ire lek, ikayaka ìkaañ inu geege ìborie.  
Inenisi iweek ikwaañ me ubọk gwuñ enerieeñ ge me  
ido ya. Ogwu enerieeñ ya oneniria ọmọ ibe ikisi  
ikpukpo okodi inyi ọmọ. Me ere ìkikpukpo okodi cha,  
kpunu ogwu òkinyi ọmọ inorie geege. Eya ọrọ,  
ikekikeek ibe ke ọmọ mōkot igọk ikirie inorie okodi  
cha okirie.

“Mije otutuuk ufialek cha, gwuñ ya onenino lek, mē  
ibe, ‘Jei! Ìre kpasi ukwook ke nkibọkọ ikeyi? Otutuuk  
ebi usuñ ìkisi ikwaañ inyi nte ña mîkaañ inorie ikirie

ijot otu, m̀e ikirie isik. Emi nnenikikwu me lek uraafioṅ me ere keyi! M̀gwu ikom ije ifo igooṅ nte n̄a. Nsire uwu, m̀ariaak nte n̄a, m̀e itumu inyi ibe: Jei, nte n̄a, nr̄o ijo inu me isi Awaji, m̀e ir̄o owu si il̄o. Emi n̄kayaka ìgbe ogwu ebegwen gwuñ kwuñ. Eya oṛo, m̄oṅo emi kub̄ok ene ge me lek ebi usuñ kwuñ.’ Itutumu ikeya ifieek me ejit kañ isaña, inanaña ikeke, m̀e ije ika igooṅ ogwu ute.

Ire, mgbo gwuñ ya ìkajeje ìgbet, ogwu ute okukup me ujoṅo ere imuñ oṃo, m̀e ikaaṅ ejit njijin me lek kañ, m̀e isa ekot ekot ilibi isi ikweek ogwu gwuñ, m̀e iwele ub̄ok iba ikana oṃo ikat. Mgbo yaage, gwuñ enerieeṅ ya obebene ikitumu inyi ogwu ute ibe, ‘Jei Nte n̄a, nr̄o ijo inu me isi Awaji, m̀e ir̄o owu si il̄o enenen. Emi n̄kayaka ìgbe ogwu ebegwen gwuñ kwuñ.’ Ìkatutumu ik̄o ya ìsaña me otu, ogwu ute otataaṅ ukpo itumu inyi ebi usuñ kañ ibe, ‘Ìgwat lek ìsa oṃonti eyi òjajaan̄ ichit ìna ìnitap gwuñ n̄a, m̀e ìm̄oṅo mkp̄otub̄ok ìsa ìnitap oṃo me otub̄ok, m̀e ìteeṅ ikpukot ìsa ìjet, inyi itap ikweek ukot, m̀e ìsi ìtet erie mbuuk ya eyi egwookbe inyi imin ufuk m̀e ijaaṅ lek ìkpaṅ, m̀e ìbala ìsa ìtem inorie, m̀e eji enerie ijok. Mije, gwuñ n̄a yi ìkwu, m̀e iyaka ijomo me mkpa. Oṃo ìchep, ekp̄okp̄ok iweek oṃo imuñ.’ ”

Luk 15:11-24

Ògwu ikpak itele ijo oniiṅ kañ, ògwu ijo ir̄oṛo itele si ijo ekikeek kañ, m̀e igwu ikom inu me lek Ogwukaaṅ-ene, Awaji kiji, m̀e iniweek ikpele ejit nsan imuñ me isi kañ. Mije Ogwukaaṅ-ene motele otutuuk ijo kañ inyi oṃo isaña igak ike ikeekbe.

Ajaya 55:7

Eya oṛo, ìgwu ìkom, m̀e igooṅ Awaji, inyi itele otutuuk ijo kinyi inyi enyi.

Ikwaan̄ ebi Otuchieeṅ 3:19

# Îkup me uyot ibe owu ogwu okom mē ochieek

---

## Uti òra

Me ike mgbo ya, usini ebi ìkup me ere ya, enenikpa inyi Jisòs ibe ke Paillet ìkpañ ebi Ju ìnaña me Galili mgbo ife cha ekigwa ngwugwa me ubok me emen Uwu Mbuban. Jisòs ododo ebi ìtutumu ikò ya ibe, “Ìre enyi ekikeek ibe ke ebi Galili ebi ekpañbe cha erorò ijo inu igak otutuuk ebi Galili, ke Awaji obak me lek isulu ema osusut ikeya? Ire ikeya ke enyi ekikeek, ìlò. Mije, ìrere enyi me lek kinyi, ire enyi kpegwu ikom inañ me emen ijo kinyi, otutuuk kinyi mēkwaañ si ike ife cha ekwaañbe.

“Ìrere akop mē ene jeeta cha ebi ìkwakwaañ mgbo uwu oket ogbugboe ikeme ema me Sailowam, ìre enyi ekikeek ibe ke ife chi mîrò ijo inu igak otutuuk ebi ìluk me Jerusalem? Iiñ-iiñ, ìkare ikeya. Ìrere enyi me lek kinyi, ìtata enyi egwugwu ikom inañ me emen ijo kinyi, enyi otutuuk ene mēkwaañ si isañ ike ife cha ekwaañbe.”

Jisòs onenito uròk ge inyi ema ibe, “Îkkaan enerieeñ ge òkakaan uti figi me emen uko gerep kañ, mē ikijijeñe ikisi ikpò mē ìre omò mômuan mfut me inyon uti ya. Ire, ìkamuñ mfut geege me inyon. Inenitumu inyi ogwu òkisi ikwaañ me uko ya ibe, ‘Acha ita ire eya nkijijeñe ebon uti figi yi inikiweek mfut me inyon. Ire, ñkamumuñ kubok mfut geege. Ìre uti yi ìbokpokpo ikeke ikeyi ikike ichit ijon ni? Fieek fiiñ!’ Ire, ogwu

òkisi ikwaañ me uko ya ofofook omo ibe, 'Ogwu nte tele mè ikup-nu acha ge yi isokò me lek, mè òchiiñ ijòn òkana, mè òngwook inorie uti me ebon, mè eyaka ekpo-nu. Ire ito mfut acha òbonu, mònwon. Ire ikato mfut mgbo ya, efieek efiñ.' ”

Luk 13:1-9


Okaañ-ene . . . ìsa mije ukarajit ìkaañbe me lek kinyi itabe mgbo ya ijònò, mije, ìkiweek ibe otutuuk ene egwu ekom. Ìkaweek ibe ene geege ichep. 2 Pita 3:9

Mije Awaji ìmuñ ebi linyon me chieen enenen, mè inyi okpokpo Gwuñ ge kañ, inyi ene geelek òchechieek me lek Gwuñ ya ikachep, ire, ikaañ ugwem ikakaañge itata.

Jon 3:16

## Ogwu enerieen ugumu mè ogwu enerieen òsisiki lek kañ

Me ere ya ema ekupbe, ìkaañ usini ene ebi itotoon ejit ibe ke Awaji ìbokò ema itap mije ata irorò kibañ, mè ikikpo ebi ofifi ene chieen isiki. Jisòs onenito ofifi uròk inyi ife chi ibe, “Ebirieen iba







eninaña ije isi Uwu Mbuban ibesi iriaak uriaak. Ene ge ìre ogwu Farisi, ogwulo ore ogwu òkibòkò otitip ido.\*

“Ogwu Farisi ya odada lek ibòkò ikeke esese, mè ikiriaak uriaak ibe, ‘Awaji owu oniro, mije, emi òkakup kubòk otutuuk ebilene, ebi òkibòkò ene inu me unye, mè ikifeen̄ ene, mè ikigan nwa ene. Ògak ge, owu oniro, mije, emi òkakup kubòk ogwu otitip ido yilo. Eyi ña, òkijin otu mgbo iba me nde geelek, mè ikikpe irek ge me etete akop irek me otutuuk inu geelek nkibom.’

“Ire, ogwu òkibòkò otitip ido ya okekeke me ujoño ere. Ìkakot ìbene chieen̄ òkpò inyon̄. Kpañasi ikeya, ìsisiki lek kañ me ijon̄, mè ikisulu ubok me ejit, mè ikitumu ibe, ‘Jei Awaji, emi ìre ogwu ijo. Soso, kaañ ejit nsan me lek ña.’ ”

Jisos onenitumu inyi ema ibe, “Me atiko, òkitumu inyi enyi ibe, me etete ife cha ene iba, ogwu òkibòkò otitip ido ya ore ogwu òroro inu òtatat me isi Awaji. Ogwu Farisi ya òkarò inu òtatat me isi Awaji. Mije, ogwu

òbebene lek kañ, ene ya ke mèsiki. Ire, ogwu geelek òsisiki lek kañ me ijõñ, ogwugwa ke mêbene ifo inyõñ.”

Luk 18:9–14

\* Ebi Ju echacha ebi Ju ogbo kibañ ebi ikinibokõ òtitip ido me ubok kibañ isa ijet ebi Rom, ife ema ekamage, mije ire ebi Rom enitim ikpañ ebi Ju, mè ikitutuku ema.

Okaañ-ene Jisõs onenitumu inyi ema ibe, “Emi ñkanu inenigwen ebi ata irorõ. Ire, ñnu inenigwen ebi ijo irorõ ibe egwu ekom me emen ijo kibañ.”

Luk 5:32

“Awaji ìkakichieek ìnyi ebi ìkigumu lek, ire, ìkikaañ ata ejit me lek ebi ìkisiki lek.” Eya orõ, ìsiki lek kinyi me irak ikpele ubok Awaji, inyi omõ gaalek ibene enyi ifo inyõñ mgbõ mgbõ kañ isikem.

1 Pita 5:5–6



Îkup me uyot ibe gê itele ijo inyi gê

---

## Ogwu usuñ ogwu ìkakitele inyi ene

Pita oneninu me lek kè Jisọs, m̀e inido ọmọ ibe, “Okaań-ene, ìre ngwań ña ìborọ emi ilọ mgbọ inen, m̀e emi ñtele ñnyi? Ìre m̀so mgbọ jaaba?”

Jisọs ofofook ọmọ ibe, “Ìkare mgbọ jaaba gaalek, ìre akọp mgbọ jaaba irek jaaba. Eya ọrọ, mkpulu eyi Awaji ìkup kubok ogwu ubọon ge òweweek iroro ifuk melek ebi ikwaan kań. Mgbọ ìbenebe ifuk ya, esasa ene ge ogwu òkakaan ọmọ urieek owuwa obop akpa ikpoko ijed ọmọ. Mije ogwu enerieen ya ikakotge ikpe urieek ya, ogwu nte uwu kiban onyinyi ida ibe ekpulu ogwu enerieen ya, m̀e ogwu nwa, m̀e nsabon kań, m̀e otutuuk inu ìkaanbe esi enyam, m̀e esa ikpoko ya enekpe ọmọ urieek kań ya.

“Ogwu ikwaan ya ogwogwook ekpe me ijon, m̀e iriaak ogwu ute-uwu ya ibe, ‘Soso, kaań ukarajit sonja mgbọ me lek ña, ke makpe owu otutuuk urieek nkaanbe owu.’ Ogwu ute-uwu ya okakaan ejit nsan me lek kań, m̀e ifuk otutuuk urieek cha ichep inyi, m̀e itele ibe ifo.

“Mgbọ yaage ogwu ikwaan ya onanabe isibi, ichichichini ofifi ogwu ikwaan ogbo kań ge ogwu òkakaan ọmọ urieek sontiik ikpoko mekotbe isa ikpe ogwu ikwaan ge onyan ita gaalek, m̀e ikana ene ya itet me ebek, m̀e ikinwan, m̀e itumu inyi ibe, ‘Kpe emi otutuuk urieek okaanbe emi.’ Ene ya ogwogwook

ekpe me ijōn, mē ikiriaak ibe, ‘Soso, kaañ ukarajit me lek ña sōnja mgbo, ke mākpe owu otutuuk urieek nkaañbe owu.’ Ire, ogwu enerieeñ yi ìkachieek.

Kpañasi ikeya, itetet ogwu ikwaañ ogbo kañ ya ijet ibe etap me mkpon, inyi ikup me ere ya mege ire mgbo geelek mōkōtbe ikpe omo otutuuk urieek kañ isaña.

“Mgbo ebi ikwaañ ogbo kibañ emuñbe inu ya òròrò, ejit ìfieek ema enenen. Ema ebeben inu ya isi ikpa inyi nte uwu kibañ. Nte uwu kibañ oraria ikwaañ igwen ogwu enerieeñ ya, mē itumu inyi ibe, ‘Íyak, owu òjeje ifieek ikeyi? Emi mfuk ikpele urieek owu okaañbe emi ichep miye owu oriaakbe emi. Ìre keke oṛo owu òkākōt ìkaañ ejit nsan me lek ogwu ikwaañ ogbo kwuñ ike emi nkaañbe me lek kwuñ?’ Ogwu ute-uwu ya osasa me unaañ-ejit ikana omo inyi ibe etap me mkpon, mē ikup me ere ya mege ire mgbo mōkōtbe ikpe omo otutuuk urieek ìkaañbe omo isaña kpai.”

Jisōs onenitumu inyi ema ibe, “Ikeyi si ke Nte ña ogwu òkup me emen inyōn oboro enyi, ìtata enyi esasa me otutuuk ejit kinyi itele ijo geelek ebi ngwañ kinyi erōbe enyi.”

Matiyu 18:21–35

Ike Awaji otelebe ijo kinyi inyi enyi, enyi si, ìtele ìnyi ebi geelek ìròrò enyi ijo inu.

Ebi Kolosi 3:13

Îkup me uyot ibe ene ibem lek

---

## Akọp nsabon ibaañ ebi ikitap ubok inyi enenwaañ òkaañ aya olom

*Enyi si, ikup me mbem, mije, Gwuñ Ebilene ibonu me  
mgbọ enyi kpebekpọ chieeñ.* Matiyu 24:44

Jisọs onenito urọk inyi ema ibe, “Me mgbọ ya, mkpulu eyi Awaji ìbokup kubok akọp obaak nsabon ibaañ ebi ìbeben mkpukañ kibañ ikaañ me ubok inaña isibi isi ere ijok ido-nwa ibesi ichichini ogwu enerieeñ òbodo nwa. Me etete akọp nsabon ibaañ cha, ene go ìre ebi welewele, sa ene go kechilo ere ebi ìriọọñ inu. Ene go ebi welewele cha ekpọkpọ iben mkpukañ kibañ ikeya, kpeben ofifi arañ ukañ, ita me lek eyi òkup me emen mkpukañ cha gaalek. Ire, ene go kechilo ebi ìriọọñ inu cha miben ofifi arañ ukañ me emen iko igbaalek eyi òkup me emen mkpukañ kibañ.

“Ogwu enerieeñ òbodo nwa ya ìkagwat lek inu, ilaak onyenyeen nsabon ibaañ cha. Ema elalaak inwọnọ. Me ejit eririeeñ, ukpo otataañ ibe, ‘Ogwu enerieeñ òbodo nwa ìnu! Ìnaña ìsibi ìnichichini ọmọ!’ Otutuuk akọp nsabon ibaañ cha eririki, mèn ibolo chieeñ me ilaak, mèn iyaka mkpukañ kibañ ibene. Ebi welewele cha enenikibeek ebi ìriọọñ inu cha ibe, ‘Ìche sọntiik me lek arañ ukañ kinyi ìnyi eji, ke mkpukañ kiji òkiniin.’ Nsabon ibaañ ìriọọñ inu cha efọfọk ema ibe, ‘Ìin-iiñ, eji kpebenyi enyi, mije, arañ ukañ kiji ìkposo eji melek kinyi. Ìsi lek ebi ìkinyam arañ ukañ ìsi ìlep eyi kinyi.’

“Mgbọ ema ejebe ibesi ilep arañ ukañ ya, me uduñ kibañ, ogwu enerieeñ òbodo nwa ya onunu. Nsabọn ibaañ ebi ìbebem lek cha egogook ogwu enerieeñ ya iraka iniñ uwu ijok ido-nwa ya. Egogon isotu.

“Sọntiik mgbọ iraraka, nsabọn ibaañ ebi ìsi ilep arañ ukañ cha ekaka inu, m̀ inikisulu ubok me isotu ibe, ‘Ogwu nte, ogwu nte, soso, gwuku isotu nyi eji ma!’ Ire, ogwu enerieeñ ya ofofook ema ibe, ‘Me atikọ, ñkarioon enyi isi.’ ”



Jisọs  
onenitumu inyi  
ema ibe, “Enyi  
ìkup me mbem  
lek, mije, enyi  
kperioon usen  
ya, m̀ ire  
mbubak mgbọ  
eyi Gwuñ  
Ebilene  
mônube.”

Matiyu 25:1–13

Ìweek  
Ogwukaañ-ene  
me mgbọ  
mekotbe iweek  
omọ imuñ;  
ìgwen omọ me  
mgbọ igbetbe  
enyi lek.

Ajaya 55:6

## Ikpele inorie ikakwun ya

Mgbọ ene ge me lek ebi ìkigọọk irie inu me uwu ogwu Farisi ya onọbe ikọ ya Jisọs otumube, inenitumu inyi Jisọs ibe, “Jei, mônwon inyi ene geelek òbogoọk irie inorie ijọk me mkpulu eyi Awaji enenen!”

Jisọs onenito urọk ge isa ifọk ene ya otu ibe, “Enerieen ge onibene ikineen lek itoto ikpele ijọk, mèn iniria ikwaan igwen owuwa ebi ene ibe enu ijọk kañ. Mgbọ mgbọ orebe, ogwukaañ ijọk ya oneniria gwuñ uwu kañ isibi ibe isi ilook ebi egwenbe cha ibe enu, ke mîra ineen otutuuk inu geelek isuñ isaña.

“Ire, otutuuk ebi egwenbe cha me ge, me ge, ejijit igwen ya. Ogwu ikup oweek ikọ ọmọ obotumu isa isaña lek kañ. Ogwu adasi otutumumu ibe ke mgbọ keyi



mgbo keyi ke omọ olep ijọn uko; ke omọ ikiweek isisi ikpọ ijọn ya. Eya ọrọ, ke omọ ikpokọt inu ijọk ya. Soso, m̀e ogwugwu ikanaań ejit. Ogwu ̀so ene iba ololook ibe ke mgbo keyi mgbo keyi ke omọ olep akọp erie mbuuk ekisa isi ikwaań me uko. Mgbo yi, ke omọ ̀bosi isi itọ ema ikpọ m̀e ̀re ema mĩnye lek ikwaań. Eya ọrọ, ke omọ ikpokọt inu ijọk ya. Soso, m̀e ogwugwu ikanaań ejit. Ikeya si, ofifi ene ofọfọk ibe ke mgbo keyi mgbo keyi ke omọ odo aya nwa. Eya ọrọ, ke omọ ikpokọt inu ijọk ya. Gwuń uwu ogwukaań ijọk ya ogwugwu ikom ika, m̀e inikpa otutuuk inu ebi egwenbe cha etumube inyi nte uwu kań. Ogwu ute-uwu ya onanaań ejit enenen, m̀e itumu inyi ogwu gwuń uwu ya ibe, ‘Gwat lek je sibi si otutuuk lek uga oniiń m̀e asabon oniiń ̀kup me emen ama yi, m̀e kpulu otutuuk ebi ugboń, m̀e ebi ngom, m̀e ebi ńnaań, m̀e ebi akọk geelek omuńbe sa na.’

“Ikafiiń mgbo, gwuń uwu ya osisi, m̀e ika, m̀e initumu inyi ogwu ute-uwu ibe ke omọ ikpulu otutuuk ife cha ebi omọ omuńbe isa inu. Ire, ke uwu ikajot.

Ogwukaań uwu ya otutumu inyi gwuń uwu kań ya ibe, ‘Je niń otutuuk oniiń geelek ̀nanańa me ama yi isibi, m̀e niń emen asabon oniiń geelek ̀kup me uduń ama yi si kpulu ebi geelek omuńbe me ere cha sa na, inyi uwu ńa iniń ijot. Mije, ńkitumu inyi enyi ibe, me atikọ, kpunu ene geege me etete ebi egwenbe cha ̀borie inu geege me ijọk ńa.’ ”

Luk 14:15–24

Okaań-ene Jisọs onenitumu inyi ema ibe, “Ene geelek ̀nunu me lek ńa ikpoyaka iraań ọfiọń. . . Ene geelek ̀nunu me lek ńa, emi m̀kpalap isańa.”

Jon 6:35, 37



# Òfònti eyi ijòk ido nwà ya

Jisòs onenitumu si ikò inyi ebi ene me uròk, mè ibe, “Mkpulu eyi Awaji ìkup kubòk ogwu ubòqò òtoto ijòk ido-nwa inyi gwuñ kañ enerieeñ. Ire, mgbò ogwu ubòqò ya oniñbe uwu ya ibonikpò ebi ichen cha, imumuñ ogwu enerieeñ ge ikatapge ofònti idonwa ogòkbe ikweek irek me emen uwu ya, mè ibe omo, ‘Une, òjeje iniñ uwu yi me okatapge ofònti ido-nwa?’ Ogwu enerieeñ ya ìkakòt ìsaña amon.

“Ogwu ubòqò ya onyinyi ida ibe ebi usuñ kañ etet ogwu enerieeñ ya ebòp ukot mè ubòk, mè etop eto me oyet me emen udun, mè ikup me ere ya ikito ito, mè ikitaka ejeek. Mije ebi egwenbe mîwa, ire, ene inen mè inen gaalek ke egobo.” Matiyu 22:1–2, 11–14

Manwòqò unwòqò enenen me emen Ogwukaañ-ene, ejit ña mobene Awaji ña ifo inyòñ, mije isa òfònti eyi unyaña ibala emi lek, mè isa òfònti eyi ata iròrò kañ ikana ichit emi. Ajaya 61:10

# Ijo ebi ikisi ikwaañ me emen uko gèrepu

*Awaji Ute îria ogwu Gwuñ inu ibe inire Ogwu Unyaña inyi otutuuk ebi linyoñ.* 1 Jòn 4:14

Okaañ-ene Jisòs onenitumu inyi ema ibe, “Ìgbañ ofifi uròk. Îkaañ ogwu enerieeñ ge òkakaañ ijòñ uko, mè iwop gerep, mè inama ogo ikana uko ya, mè iròko udòñ ere ebekichimi muñ isibi me lek mfut gerep cha, mè inama uwu-oket ere ebekikup ibem uko ya, mè inisa uko ya inyi ebi ikwaañ uko ibe ekekpò chieeñ me lek, mè inaña isi ije me ofifi ido.

“Me mgbò iròròko inu me uko okembe, ogwukaañ uko ya oneniria ebi usuñ kañ isi lek ebi ikwaañ uko cha ibe esi ebòko uche mfut eyi kañ ejèt omo. Ebi ikwaañ uko cha etetet ebi usuñ cha, mè isut ene ge me lek kibañ, mè ikpañ ogwu òso iba, mè isa ewuuk itòbo ogwu òso ita. Ogwukaañ uko ya okpòkpòk iria ebi usuñ iwawa igak ebi îriabe me adasi mgbò ibe esi ebòko uche mfut eyi kañ ejèt omo. Ife cha eròro si ebi usuñ kechi ike eròbe ebi adasi.

“Me mgburuduñ kañ, ogwukaañ uko ya oraria gwuñ kañ ibe isi lek ife cha, mè ikeek ibe ke ife cha mèlibi gwuñ kañ. Ire, mgbò ebi ikwaañ uko cha emuñbe gwuñ ogwukaañ uko ya okinu, ema etòtòt ibe, ‘Kpò gwuñ ogwukaañ uko ire eyi, eji enetet ekpañ, inyi irot ìbokaañ ikana ire eyi kiji.’ Mgbò gwuñ ya onube, ema etetet, mè itaba isibi me emen uko gerep ya, mè ikpañ.”



Jisọs onenido ebi ìkigbañ urọk ya ibe, “Mgbo ogwukaan uko gerep ya isinu, ìre keke ke ìborọ ebi ikwaan uko cha?” Ife cha efọfọk ibe ke ìbokpakpañ otutuuk ijo ebi ikwaan uko cha isaña, mề isa uko kañ inyi ofifi ebi ikwaan uko, ebi ìbekinyi ọmọ uche mfut eyi kañ mgbo geelek erọkọbe mfut me uko.

Matiyu 21:33–41

## **Ebi ene mịjit Òkakaan-ene Jisọs Karais mề ikpañ ọmọ**

Me òfit-iwele kañ, me agañ egwe, ebi ibot ngwugwa, mề ebi ugane ama enenititiñ, mề itumu ifieek ibe ke mềkpañ Jisọs. Ema enenitap ọmọ mkpọn me ubọk mề ukot, mề isa ọmọ isi isi kề Paillet, ogwu ibot mkpulu.

Paillet onenido ema ibe, “Ìre keke ke enyi eweek ibe emi ñrọ Jisọs ogwu ekigwen Karais yi?” Ema egwagwat lek ifọk ibe, “Gon kpañ!” Paillet ododo ema ibe, “Mije keke? Ìre kpasi ijo inu ke îrọ?” Ire, ema erọriọñ ikitaañ ukpo unye unye ibe, “Gon ọmọ kpañ me inyọñ uti nkwurieeñ!”

Mgbọ ema erọbe ọmọ inu ochak chi isaña, . . . mề isa ọmọ ije inaña ibesi igon ikpañ me inyọñ uti nkwurieeñ.

Matiyu 27:1, 2, 22, 23, 31

Mgbọ ema erebe ere ekigwen “Ngigọ Ibot Ene,” ema egogon Jisọs me uti nkwurieeñ . . . Jisọs onenikup me inyọñ uti nkwurieeñ ya iriaak uriaak ibe, “Ute, tele nyi ema, mije, ema kperioñ inu ema ekirọ.”

Jisọs otataañ ukpo itumu ibe, “Ute, nkana ekwukwu ña itap owu me ubọk.” Ikọ yi itata ọmọ me otu, ifufuuk òta efuuk, mề itọbọ.

Luk 23:33–34, 46

Îkaañ ogwu enerieeñ ge ekigwen Josefu, òrere ene ge me etete ebi Oru ebi Ju, mề ire si ata ene ogwu ògbegbe utooñ ejit. Josefu yi ojeje isi lek kẹ Paillet isi ibeek ibe inyi ọmọ nkwukwu kẹ Jisọs. Paillet ochechieek. Inenisi ijene nkwukwu kẹ Jisọs isibi me inyọñ uti nkwurieeñ, mề isa ekwut-ufuuñ ikat, mề iben isi imaañ me emen udọñ erọkọbe me lek ewuuk, eyi kperarak ifuuñ-nu ene geege me emen.

Luk 23:50, 52–53

Usen Mbuban ya onunu, m̀è iraka. Me ata ewelegwe ewelegwe òfit iwele kañ, eyi òrere usen Awaji, ebibaañ cha enenisa ugwuñ m̀è arañ cha ema eròbe ikaañ me ubòk inaña ije isi udòñ ere efuuñbe Jisos. Mgbo ema erebe ere ya, ema emumuñ ibe ke m̀ikpukpot ikpele ewuuk esabe ichit otu udòñ ya isaña. Ema eniniñ emen udòñ ya, m̀è ikpo, kpemuñ nkwukwu k̀è Okaañ-ene Jisos. Ukpook otetet ema. Ema ekpokpo ikeke me ere ya, kpeyaka irioqon inu eberò. Mgbo ema ekekebe me ere ya, ebi osat Awaji iba, itatap ofonti otatana kubòk ura, ekpokpo ikana isibi, m̀è ikeke me agba lek kibañ. Ebibaañ cha egegele ibot isiki, m̀è ikana isi ichit me ijon, mije, ukpook itet ema enenen. Ire, ebi osat Awaji iba cha enenido ema ibe, “Ìre keke orò enyi ekiweek ogwu òkup me ugwem me etete ebi ikwukwu? Jisos ikakup me ere keyi! Ìjomo me mkpa! Ìkeek ikò itumube inyi enyi me Galili mgbo ikupbe me ugwem melek kinyi ibe, ke m̀etet omò Gwuñ Ebilene ikana itap me ubòk ebi ekarioqonge Awaji, inyi egon ekpañ. Òso egwe ita, ke omò m̀oyaka ijomo me mkpa.”

Luk 24:1-7

Karais ikwu mkpa mije ijo inu kiji, kubòk egebe me Ikpa Mbuban ibe ke m̀oro. Mifuuñ omò, Awaji ojojomo omò me mkpa me òso egwe ita, kubòk egebe me Ikpa Mbuban ibe ke m̀oro.

1 Ebi Korint 15:3-4

# Njìn mbọm iriñ

Okaañ-ene Jisọs onenitumu inyi ema ibe, “Ofifi si, mkpulu eyi Awaji ìkup kubọk àkarà eyi egwookbe ikana owuwa chieeñ iriñ me okwaañ, mè itaba itooñ me inyọñ, mè inikup igobo iriñ echi atata itap ijot owuwa okwun, mè inikpulu echi kpukukpukukpuku òsisik itọọñ ifiñ. Ikeyi ke ìbokup me òta mgbo. Mije ebi osat mēnu iniche ebi ijo irọrọ isaña me lek ebi ata irọrọ, mè ikpulu ebi ijo irọrọ itọọñ itap me emen ukañ. Ebi ìkup me emen ukañ ya mēkito uga ito, mè ikitaka ejeek.”

Matiyu 13:47–50

Jon ogwu uduñ kè Jisọs ige ibe, Nnenimuñ ìkpele ogboon ubọọñ okuket ge, mè imuñ si ogwu òsisiki ikweek me inyọñ. . . Nnenimuñ ebi ìkwukwu, ebi ilile, mè ebi asasa ekekebe me isi ogboon ubọọñ ya. Enenichili owuwa ikpa, mè iyaka inichili si ofifi ikpa ge, eyi òrere ikpa eyi ugwem. Enenikisibi oyerebet me ibot otutuuk ebi ìkwukwu cha igọk me lek inu ema erọbe kubọk egebe me emen ikpa cha. Ene geelek ekamuñge erieeñ kañ me emen ikpa eyi ugwem ya, mîra iben itọp itap me emen udọñ ukañ ya.

Ichichili 20:11–12, 15

# Mgbo keyi ire usen eyi unyana

---

Okaa-ene Jisos onenitumu inyi ema ibe:

Gwuñ Ebilene ìkanu ibe ebilene enesi ikwaañ enyi omọ, ìnu inenisi ikwaañ inyi ebilene, mè inenisa ugwem kañ ikpe mkpukpe ijo inu me ibot owuwa ene.

Mak 10:45

Ofifi si, nkeek kè Nte ña ìre ke ene geelek òtotoon emi ogwu Gwuñ ejit me lek, mè ichieek me lek ña môkaañ ugwem ikakaañge itata. Emi mâjomo si ene ya me mkpa me mgburuduñ Usen ya.

Jon 6:40

Emi nre oniiñ, mè atikọ, mè ugwem. Kpunu ene geege òbokọt inu me lek Nte ña, îtata ìjeje itibi me lek ña.

Jon 14:6

Emi nre otunchit ya. Ogwu geelek òjeje me lek ña iniñ, mênయాña ene ya isibi.

Jon 10:9

Emi nre ata ogwu òkpukpo arọñ. Ata ogwu òkpukpo arọñ ìbem lek ikwukwu mije arọñ kañ.

Jon 10:11

Enyi ebi efuuk otabe me owot mije ibebeme ulobo inu, ìna me lek ña, ke mânyi enyi isiki-efuuk.

Matiyu 11:28

Scripture taken from NT © International Bible Society